

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» փետրվարի 2015թ.

N-----Ա

ՈՐՈՇՈՒՄ

**ԲԱԲԿԵՆ ՀԱՐՈՒԹՅՈՒՆՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության **1999** թվականի օգոստոսի **31**-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N **551** որոշմամբ հաստատված կարգի **2**-րդ կետը՝

Երևան քաղաքի ավագանին որոշում է.

Տալ համաձայնություն անվանի պատմաբան, ՀՀ ԳԱԱ թղթակից անդամ, պատմական գիտությունների դոկտոր, պրոֆեսոր Բաբկեն Հարությունյանի հիշատակը հավերժացնող հուշատախտակը Չարենցի փողոց **հ.4** հասցեում փակցնելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ – ՀԻՄՆԱՎՈՐՈՒՄ

«ԲԱԲԿԵՆ ՀԱՐՈՒԹՅՈՒՆՅԱՆԻ ՀԻՇՍՏԱԿԸ ՀԱՎԵՐԺԱՑՆՈՂ ՀՈՒՇՍՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Անվանի պատմաբան, ՀՀ ԳԱԱ թղթակից անդամ, պատմական գիտությունների դոկտոր, պրոֆեսոր Բաբկեն Հարությունյանը ծնվել է **1941**թ. Երևանում:

1958թ. ոսկե մեդալով ավարտել է Երևանի Հր. Աճառյանի անվան թիվ **72** միջնակարգ դպրոցը, **1962**թ. գերազանցության դիպլոմով՝ Երևանի պետական համալսարանի պատմության ֆակուլտետը:

1963-1966 թթ. ուսանել է նույն բուհի ասպիրանտուրայում:

1968թ. պաշտպանել է թեկնածուական ատենախոսություն՝ «Վայոց ձորը հնագույն ժամանակներից մինչև **1045** թվականը» խորագրով:

1972-1977 թթ. գիտամանկավարժական գործունեությանը զուգահեռ՝ սովորել է գերազանցությամբ ավարտել է նաև ԵՊՀ իրավագիտության ֆակուլտետի հեռակա բաժինը: Տարիների գիտահետազոտական տքնաջան պրպտումների արգասիք «Մեծ Հայքի վարչաքաղաքական բաժանման համակարգն ըստ «Աշխարհացոյց»-ի (արևմտյան և հարավային աշխարհներ)» դոկտորական ատենախոսությունը պաշտպանել է **1993**թ.:

2005թ. նրան շնորհվել է պրոֆեսորի կոչում, **2006**թ. ընտրվել է ՀՀ ԳԱ ակադեմիայի թղթակից անդամ: **1969-2013**թթ. դասավանդել է Երևանի պետական համալսարանում, **1993-1994**թթ. դասախոսել է նաև Համազգայինի Բեյրութի հայագիտական բարձրագույն հիմնարկում, իսկ **1995-1996** թթ.՝ ԱՄՆ-ի Միչիգանի Դիզբորն համալսարանում:

1970-1971 թթ. Բաբկեն Հարությունյանը եղել է ԵՊՀ արտասահմանյան ուսանողների հետ աշխատանքների գծով դեկան, **1983-1985** թթ.՝ նույն բուհի կուսկոմիտեի քարտուղարի տեղակալ, **1985-1988** թթ.՝ «Երևանի համալսարան» հրատարակչության տնօրեն, **1993-2004** թթ.՝ ԵՊՀ պատմության ֆակուլտետի դեկան, համատեղությամբ **1997-2000** թթ.՝ ԵՊՀ Հայաստանին հարակից երկրների պատմության ամբիոնի վարիչ:

2003-2013 թթ.՝ ԵՊՀ Հայոց պատմության ամբիոնի վարիչ, **2007-2008** թթ. վարել է ՀՀ ԳԱԱ-ի ակադեմիկոս-քարտուղարի պաշտոնը:

Տարիներ շարունակ եղել է ՀՀ ԳԱԱ Պատմության ինստիտուտում գործող գիտական աստիճաններ շնորհող խորհրդի փոխնախագահ:

Հայ ժողովրդի հին և միջնադարյան պատմության ուսումնասիրության ասպարեզում լուրջ ներդրում են Բաբկեն Հարությունյանի՝ «Հայաստանի, հայ-իրանական հարաբերությունների և Առաջավոր Ասիայի հնագույն պատմության մի քանի խնդիրների շուրջ (Ք.ա. VII-VI դարեր)», (**1998**թ.), «Աշխարհացոյց»-ը և «Չորս Հայքերի խնդիրը» (**1997**), «Մեծ Հայքի վարչաքաղաքական բաժանման համակարգը ըստ «Աշխարհացոյց»-ի» (մաս Ա, **2001**թ.) մենագրություններն ու այլ ուսումնասիրությունները:

Բաբկեն Հարությունյանի հեղինակությամբ լույս է տեսել «Հայաստանի պատմության ատլաս»-ը և «Հայաստանի ազգային ատլաս»-ը: Նա նաև «Լեռնային Ղարաբաղի Հանրապետություն» եռալեզու ատլասի համահեղինակ է:

Բաբկեն Հարությունյանն արժանացել է Մովսես Խորենացու մեդալի և մի շարք այլ մեդալների: **2009**թ. նրան շնորհվել է ՀՀ գիտության վաստակավոր գործչի կոչում: Գիտնականն արժանացել է Ֆրանսիայի արտաքին գործերի նախարարության ու Ֆուլբրայթի հիմնադրամի թոշակներին, ընտրվել է Բնության և հասարակության մասին գիտությունների և «Արարատ» միջազգային ակադեմիաների անդամ:

Բարկեն Հարությունյանը մահացել է 2013թ. փետրվարի 26-ին Երևանում:
Բարկեն Հարությունյանի հիշատակը հավերժացնող հուշատախտակը Երևան քաղաքի Չարենցի փողոց հ.4 հասցեում փակցնելու վերաբերյալ միջնորդություն է ներկայացվել Երևանի պետական համալսարանի ռեկտորի կողմից:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

«ԲԱԲԿԵՆ ՀԱՐՈՒԹՅՈՒՆՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

«Բաբկեն Հարությունյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ Երևանի բյուջեում լրացումներ և/ կամ փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

«ԲԱԲԿԵՆ ՀԱՐՈՒԹՅՈՒՆՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

«Բաբկեն Հարությունյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ այլ իրավական ակտերում լրացումներ և/ կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ